



REPUBLIKA E KOSOVËS / REPUBLIKA KOSOVA

A.A.nr.15/2024

GJYKATA SUPREME E KOSOVËS - kolegji i përbërë nga gjyqtarët: Beshir Islami, kryetar, Muhamet Rexha, dhe Milena Gjeriq anëtarë, në çështjen juridike të dënuarit P. M., nga i ati B. dhe e ëma M., e gjinisë M., i lindur me datë, në P., ku edhe e ka vendbanimin në rr. "...", nr., me numër personal, shqiptar, shtetas i Republikës së Kosovës, përkitazi me kërkesën për lirim me kusht, duke vendosur sipas ankesës së të dënuarit, të paraqitur kundër vendimit të Panelit për Lirim me Kusht, PLK.D.nr....., të datës 22.04.2024, në seancën e kolegjit të mbajtur me 23.05.2024, merr këtë:

AKTVENDIM

Refuzohet si e pabazuar ankesa e të dënuarit P. M. nga i ati B. dhe e ëma M., e gjinisë M., i lindur me datë ..., në P., shqiptar, shtetas i Republikës së Kosovës, e paraqitur kundër vendimit të Panelit për Lirim me Kusht, PLK.D.nr....., të datës 22.04.2024.

Arsyetim

Me vendimin e Panelit për Lirim me Kusht, PLK.D.nr....., të datës 22.04.2024, në pikën I të dispozitivit, refuzohet kërkesa për lirim me kusht e të dënuarit P. M. nga i ati B. dhe e ëma M., e gjinisë M., i lindur me datë ..., në P., ku edhe e ka vendbanimin në rr. "...", nr., me numër personal ..., shqiptar, shtetas i Republikës së Kosovës. Në pikën II, ishte vendosur që kërkesa për lirim me kusht i refuzohet për periudhën kohore prej 5 muaj, e njëjta mund të rishqyrtohet pas kalimit të këtij afati.

I dënuari me kohë ka paraqitur ankesë për shkak të gabimeve faktike siç thuhet në ankesë, sepse nuk janë marrë parasysh faktet e gjendjes sociale, ekonomike dhe familjare me propozim që Gjykata Supreme e Kosovës të ndryshoj aktvendimin e atakuar të Panelit për Lirim me Kusht ashtu që të aprovoj kërkesën e të dënuarit dhe të liroj nga vuajtja e dënimit në atë mënyrë që do t'ia kushtëzoj pjesën e mbetur të dënimit ta kryej në shtëpi në pajtim me ligjin.

Paneli për Lirim me Kusht, në përgjigje në ankesën, e ka kundërshtuar në tërësi ankesën e të dënuarit, me propozim që të refuzohet si e pabazuar ankesa, ndërsa vendimi i kundërshtuar të vërtetohet. Gjykata Supreme e Kosovës, në kuptim të nenit 117 paragrafi 11 dhe 12 të Ligjit nr. 08/L-132, për Ligji për Ekzekutimin e Sanksioneve Penale, shqyrtoi ankesën e paraqitur nga mbrojtësi i të dënuarit, vendimin e ankimuar, si dhe shkresat e lëndës, dhe gjeti se:

Ankesa është e pabazuar.

Me datë 27.03.2024, i dënuari përmes Institucionit Korrektues ku është në mbajtje të dënimit me burg, ka parashtruar kërkesë për lirim me kusht me arsyetimin se gjatë mbajtjes së dënimit, me sjelljet e tij është arritur risocializimi i tij dhe janë plotësuar të gjitha kushtet ligjore për lirimin e tij me kusht.

Në seancën e mbajtur me 22.04.2024, Paneli pasi e shqyrtoi dosjen e të dënuarit, përkatësisht raportin përmbledhës të përpiluar nga Ekipi Profesionist i Institucionit Korrektues, Deklaratë- premtimin lidhur me mbikëqyrjen e të dënuarit pas lirimimit me kusht, ashtu siç është përcaktuar në nenin 116 të Ligjit Nr. 08/L-132 mbi Ekzekutimin e Sanksioneve Penale, dhe nenin 15 të Rregullores Nr. 12/2023 për Punën e Panelit për Lirim me Kusht dhe pas vlerësimit të tërësishëm të çështjes gjeti se kërkesa për lirim me kusht është e pabazuar.

Nga shkresat e dosjes së të dënuarit, rezulton se i njëjti është shpallur fajtor për shkak të veprës penale blerja, posedimi, shpërndarja dhe shitja e paautorizuar e narkotikëve, substancave psikotrope dhe analoge nga neni 267 par. 1 lidhur me nenin 31 të KPRK-së. Në raportin ligjor për të dënuarin vërtetohet se data e përfundimit të dënimit është caktuar më 21.03.2025 dhe nga llogaritja e dënimit rezulton se të dënuarit i kanë mbetur edhe 10 muaj, 29 ditë. Në raportet e tjera të përpiluara nga ekipi profesionist i Qendrës Korrektuese, rezulton se i dënuari gjatë mbajtjes së dënimit ka treguar sjellje të mirë dhe i angazhuar me punë. Sa i përket qëndrimit ndaj veprës penale, e pranon dhe ndjehet i penduar. Lidhur me rrezikshmërinë e mbetur është konstatuar e ulët.

Gjatë shqyrtimit të dosjes së të dënuarit, Paneli kishte vlerësuar plotësimin e kushteve të përcaktuara në nenin 90 të Kodit Penal të Republikës së Kosovës, si dhe rrethanat e tjera që ndikojnë në lirimin me kusht të personit të dënuar që parashihen në nenin 11 të Rregullores Nr. 12/2023 për Punën e Panelit për Lirim me Kusht. Rrethanat përfshijnë:

përshkrimin e personit të dënuar për veprën penale, gjendjen fizike dhe psikike të tij, qëndrimin e personit të dënuar ndaj viktimës, sjelljen e mirë gjatë burgimit, përkatësisht të dhënat nëse është shqiptuar masë disiplinore ndaj tij gjatë vuajtjes së dënimit, rrethanat e tij familjare dhe të kaluarën shoqërore, planet e të dënuarit pas lirimit, pranimi i kontrollit dhe mbikëqyrjes nga Shërbimi Korrektues, ekzistenca e një rreziku të përgjithshëm për shoqërinë/komunitetin, programet rehabilituese të ndjekura nga personi i dënuar, vlerësimin e progresit të arritur te i dënuari në planin individual të rehabilitimit dhe rrethanat e tjera të vlerësuara nga paneli që tregojnë se i njëjti nuk do të kryej veprë penale.

Paneli pas shqyrtimit të dosjes së të dënuarit, vlerësimin të kushteve të përcaktuara në Kodin Penal të Republikës së Kosovës përkitazi me sjelljen e mirë gjatë burgimit dhe rrethanave të përcaktuara në nenin 12 të Rregullores Nr. 12/2023, Paneli ka ardhur në përfundim se ende nuk është arritur qëllimi i ekzekutimit të sanksionit penal i paraparë sipas dispozitës së nenit 38 të Kodit Penal të Republikës së Kosovës dhe nenit 5 dhe 6 të Ligjit Nr. 08/L-132 për Ekzekutimin e Sanksioneve Penale, dhe se duhet të mbikëqyret sjellja e të dënuarit për shkak të kohës së mbetur për mbajtje të dënimit në raport me mbajtjen e dënimit me burgim, për të cilën arsye kërkesa e të dënuarit u refuzua për periudhën kohore prej 5 muaj dhe mund të rishqyrtohet pas kalimit të këtij afati.

Në një gjendje të tillë të çështjes, Gjykata Supreme e Kosovës, pranon në tërësi si të drejtë dhe të ligjshëm vendimin e ankimuar, pasi që i njëjti është në tërësi i bazuar në ligj, dhe me këtë rast u pranuan si të bazuara të gjitha konstatimet faktike dhe juridike të Panelit për Lirim me Kusht, të precizuara në tërësi si në këtë vendim. Refuzimi i kërkesës për lirim me kusht të ushtruar i dënuari, është i mbështetur në dispozitat ligjore të Kodit Penal të Republikës së Kosovës, Ligjit për Ekzekutimin e Sanksioneve Penale, si dhe në Rregulloren nr. 01/39, duke i shqyrtuar të gjitha rrethanat që parashihen me dispozitat ligjore nga ligjet e sipërcituar, dhe nga rregullorja nr. 01/39.

Në rastin konkret Paneli, duke vendosur për kërkesën e të dënuarit vlerësoi të gjitha kriteret e përcaktuara në dispozitën e nenit 14 të Rregullores nr.01/39, mbi Organizimin dhe Funksionimin e Panelit për Lirim me Kusht, dhe kushtet që parashihen në pajtim me dispozitat e Kodit Penal të Republikës së Kosovës dhe Ligjit mbi Ekzekutimin e Sanksioneve Penale, dhe ka ardhur në përfundim se ende nuk është arritur qëllimi i ekzekutimit të sanksionit penal i paraparë sipas dispozitës së nenit 38 të Kodit Penal të Republikës së Kosovës dhe nenit 5 dhe 6 të Ligjit për Ekzekutimin e Sanksioneve Penale,

andaj në rastin konkret Paneli me rastin e vendosjes mori parasysh edhe nenin 14 par. 1 pikën 1.1 të Rregullores nr. 01/39, ngase pesha e krimit është një tregues i nevojës për të mbrojtur shoqërinë përmes parandalimit të kryerjes se veprave tilla apo të ngjashme penale, për të cilën arsye kërkesa e të dënuarit u refuzua për periudhën kohore prej 5 (pesë) muaj, andaj e njëjta mund të rishqyrtohet pas kalimit të këtij afati.

Gjykata Supreme e Kosovës gjeti se, Paneli ka vlerësuar të gjitha rrethanat që ndikojnë në lirimin me kusht të personit të dënuar që parashihen në nenin 11 të Rregullores Nr. 12/2023 për Punën e Panelit për Lirim me Kusht. Rrethanat përfshijnë: përshkrimin e personit të dënuar për veprën penale, gjendjen fizike dhe psikike të tij, qëndrimin e personit të dënuar ndaj viktimës, sjelljen e mirë gjatë burgimit, përkatësisht të dhënat nëse është shqiptuar masë disiplinore ndaj tij gjatë vuajtjes së dënimit, rrethanat e tij familjare dhe të kaluarën shoqërore, dhe pastaj Paneli ka konstatuar se kërkesa duhet refuzuar me të drejtë rishqyrtimi për 5 muaj.

Përfundimisht Gjykata Suprem e Kosovës duke i respektuar kufijtë e ekzaminimit të ankesës dhe kompetencën e shqyrtimit, gjatë shqyrtimit të ankesës, nuk gjeti se është zbatuar gabimisht ligji material, nuk janë shkelur rregullat e procedurës së paraparën për shqyrtimin e kërkesës dhe nuk ka ndo një gabim faktik lidhur me rastin konkret, prandaj edhe refuzoi si të pa bazuar ankesën e të dënuarit.

Për arsyet e paraqitura më lart, në bazë të nenit 117 paragrafi 11, 12, të Ligjit nr. 08/L- 132 për Ekzekutimin e Sanksioneve Penale, u vendos si në dispozitiv të këtij aktvendimi.

GJYKATA SUPREME E KOSOVËS-PRISHTINË

A.A.nr. 15/2024, më 23.05.2022

Kryetari i kolegjit,
Beshir Islami